



Nordfjord vassområde

Nordfjord Vassområdeutval

Att:

Dykkar ref

Vår ref (oppgje ved svar)
14/314

Dato

14.01.2014

Møte i vassområdeutvalet 22.01.2014

Syner til innkalling 04.12.2013.

Tid: onsdag 22. januar 2014 kl 10.00 – 14.00

Stad: Sandane, kommunestyresalen

Innkallinga blir berre sendt på epost.

Forfall meldast snarast til prosjektleiaren som vil kalle inn eventuelle varamedlemar.

Varamedlemar har ikkje møteplikt, med mindre dei får spesiell innkalling.

SAKSLISTE

ORIENTERINGAR

Prosjektlearstilling

Prosjektleiaren søkte om å gå ned i 50 % stilling frå september, jamfør statusrapport av 24.09.2013. Ønsket hadde samanheng med den faste stilling som han hadde hatt permisjon frå i 1 års tid. Det har vore utfordrande å utføre oppgåvene på halv tid, men det var ei heilskapsvurdering at prosjektet ville vere best tent med kontinuitet, og å kunne nytte seg av erfaringane som prosjektleiar hadde samla i det fyrste året. Vertskommunen Gloppen tok avgjerda om å innvilge stillingsreduksjon, og arbeidsutvalet til vassområdet slutta seg til denne avgjerda.

Overvaking 2013 i regi av vassområdeutvalet.

Sak 1/14 - Rekneskap 2013

Lønnsutgiftene til prosjektleiar (549 810) vart mindre enn budsjettert (700 000), pga redusert stilling til 50 % frå september. (Sjå tabell nedanfor)

Overvaking vart innkjøpt frå VestfoldLAB (vassprøveanalysar), Limno-Consult AS (begroing), Uni Research (sjøundersøking) og Det Norske Veritas (sjøundersøking i

Nordgulen, Svelgen). Feltarbeid er gjennomført, med mindre unntak, og heile kostnadene til desse prosjekta er ført på rekneskapet 2013.

Andre driftskostnader har vore m.a. reiser, møtekostnader, annonsar og telefonkostnader.

Overskotet i 2013 er på 314 624, som er avsett til fond.

Kommunane er ajour med betaling for 2012 og 2013, men innbetalinga frå Eid avviker frå budsjett (80 000 pr år, i tråd med kommunestyrevedtak).

Økonomioversikt	Budsjett 2014	Rekneskap 2013	Budsjett 2013
INNTEKTER, sum	1 414 000	1 938 088	1 938 088
Kommunar	550 000	550 000	550 000
Fylkesmannen	275 000	275 000	275 000
Fylkeskommunen	275 000	275 000	275 000
Fondsmidlar	314 000	838 088	838 088
UTGIFTER, sum	1 100 000	1 938 088	1 938 088
Prosjektleiar	323 000	549 810	700 000
Drift / overvaking / konsulent	1 091 000	1 073 654	1 238 088
Overskot (avsett til fond)	0	314 624	0

Framlegg til vedtak:

Vassområdeutvalet tar orienteringa om rekneskap 2013 til vitande og har ikkje merknader.

Sak 2/14 - Budsjett, kostnadsfordeling

Signal frå Fylkeskommunen er at tilskota frå fylke og stat vil vere som tidlegare år.

Konsulentoppdrag med problemkartlegging i høve jordbruksureining og ureining frå spreidde avløp. Disponibelt ca 1 million inkl fondsmidlar. Det er store kunnskapsmanglar om ureining, i sær frå jordbruk og spreidde avløp. Overvaking 2013 i regi av vassområdeutvalet kartla tilstanden i over 30 elvar og innsjøar, men det står att å finne kjelden til ureining, og å utgreie tiltak. Kommunane har ansvar for desse oppgåvene, uavhengig av vassforskrifta, og kan få dei utført ved kjøp av konsulentoppdrag gjennom prosjektet.

Eid, Selje og Vågsøy kommunar har i brev til Sogn og Fjordane Fylkeskommune teke opp spørsmål om finansiering av prosjektleiar og kostnadsfordeling mellom kommunane. Eid og Vågsøy kommunar oppmodar prosjektet om å fordele kostnadene mellom kommunane med 33,3% lik fordeling, 33,3% fordeling etter folketal og 33,3% fordeling etter areal (Eid kommunestyre sak 08/13 og Vågsøy kommunestyre sak 72/13). Det har deretter vore utveksla brev mellom Eid kommune og Gloppen kommune i saka. Denne fordelingsmodellen var oppe til vurdering i vassområdeutvalet 16.03.2012, der fleirtalet meina at ein skulle bruke fordelingsnøkkelen som prosjektplanen la opp til, dvs. 25% lik fordeling og 75 % fordeling etter folketal (sak 02/12).

Framlegg til vedtak:

Vassområdeutvalet tar orienteringa om budsjett 2014 til vitande og har ikkje merknader. Vassområdeutvalet gir fullmakt til arbeidsutvalet å kjøpe konsulentoppdrag innanfor dei budsjetterte midlar.

Sak 3/14 - Val av leiar for Nordfjord Vassområdeutval

Sak 4/14 - Godkjenning av tiltaksanalysen

Tiltaksanalysen er vassområdeutvalet sitt innspel til forvaltningsplan og tiltaksprogram som Fylkeskommunen (vassregionmynde) skal utarbeide. Fylkeskommunen gav opprinneleg frist 15. november med å oversende tiltaksanalysen. Tiltaksprogrammet og forvaltningsplanen vil bli lagt ut på høyring 01.07.2014 – 31.12.2014.

Grunna manglande ressursar hos styresmakter og forseinka rettleingsmateriale frå sentralt hald, vart arbeidet med tiltaksanalysen sterkt forseinka. Fylkeskommunen har difor valt å utsette fristen til 01. februar 2014. Sjølv med denne utsettinga har det vore utfordrande å få inn dei nødvendige innspel frå sektorstyresmakter i tide. Det er gjennomført ei lokal minihøyring 03.12.2013 – 10.01.2014, med folkemøte på Nordfjordeid, på Skei og i Selje. Innkomne høyringsinnspel er utlagt på vannportalen:

<http://www.vannportalen.no/hoved.aspx?m=47223&amid=3644255>

Tiltaksanalysen kan ein laste ned frå vannportalen:

<http://www.vannportalen.no/hoved.aspx?m=47223&amid=3644351>

Tiltaksanalysen som no blir lagt fram til godkjenning har manglar, og med dette for auge, må vassområdeutvalet ta avgjerda om dokumentet kan godkjennast. Det er då viktig å vere klar over at tiltaka i tiltaksanalysen ikkje er bindande. Heller ikkje er tiltaka i tiltaksprogrammet bindande. Styresmaktene kan justere sine framlegg til tiltak etter ei grunnleggjande, til dømes dersom ein finn at andre tiltak vil vere meir hensiktsmessige, eller dersom endringar i miljøtilstanden tilseier dette.

Det som derimot vil ligge fast i forvaltningsplanperioden er miljømåla. Dette er i utgangspunkt standard miljømål (god økologisk og kjemisk tilstand for overflatevatn). Der er nokre unntak frå standard miljømål. Vassførekomststar som vert definerte som SMVF (sterkt modifisert vassførekomst etter vassforskrifta § 5), skal ha miljømålet «god økologisk potensiale», som må definerast i kvart tilfelle. Mindre strenge miljømål (vassforskrifta §10) er eit anna unntak. Det er og høve til å fastsette strengare miljømål enn standard, til dømes drikkevasskvalitet. Sektorstyresmakter, fylkeskommunar og kommunar har innafør sine ansvarsområde ansvar for å utrede premissane for fastsetting av miljømål.

Framlegg til vedtak:

Vassområdeutvalet godkjenner tiltaksanalysen slik han ligg føre.

Med helsing

Staffan Hjøhlman
prosjektleder
tlf. 904 02 661

Kopi til:
Varamedlemar Nodfjord
Vassområdeutval